

Jombaanon Tere 3 Jonon Tereya ano 3 kolooro. **Jen-asa-asari**

Buna Tere kokawaa toya iinon iyanaa qata “Jotamemeya mon,” qaro. Iinon Tere ii uumeleen kanageso mombaa jotamemeya mon qata Gaius iwaajon ano. Gaiusnon uumeleen ejemba tosaana miri ano nembanene iwoinon ilaan onjoma laligoro. Kawaajon ii mepeseen muro ano tompe eja mon qata Diotrefes iwaajon galen meme qaa jero.

Buk kokawaa bakaya waja 5 ii kokaen:

Qaa mutuya 1-4

Jonon Gaius mepeseja 5-8

Diotrefeswaa galen meme qaa 9-10

Demitriuswaa korisoro qaa 11-12

Buk kokawaa qaa kota waja 13-15

¹ *Oo wombo alana Gaius, niinon jotamemeya mon koloon giwo qaa amin mobojon kan tere oojen. Niinon qaa honaa so uunanon jopagon goma laligojen.

² Oo wombo alana, goo kokoosoganon Anutuwo qokotaan qeangoro laligojani, ii mojen. Kaanjadeen sele gbiligbili laligon iwoi kuuya kanon toomorian mokoloon laligowaatiwaajon Anutu qama koolijen. ³ Uumeleen alaurunana tosiannon goononga kan goo sunduga kokaen

* **1:1:** Apo 19.29; Room 16.23; 1 Kor 1.14

nanjon nijogi, “Giinon Anutuwaanon qaa hona ii pondan otaan ama men laligojan.” Kaen nijogi mobe korisoro somata kondoon nono. ⁴ Noo kokourunanon Anutuwaanon qaa hona otaan ama men laligojuti, niinon buju kaana moma honona qaa aisoonkejen. Buju morota monnon korisoro uuta ii mende uuguro mojen. Kian.

Jonon galen eja qata Gaius mepeseeja.

⁵ Oo wombo alana, gii uumeleen alaurunana welen qen onoma iikanon pondan nama laligonkejan. Yonoononga tosianon goman liligon onoonon kankejuti, ii kalan koma onomakejan. Moma ononjani me qaago, ii kilen awaagadeen ilaan onomakejan.

⁶ Gii uuganon jopagon onoma laligonati, iyonoononga tosianon koi kan momalaari tuumbaa jaagianon kaniaga kaen nanjon jegi monin. Kawaajon alaurunana kaananon onoonon kawuti, ii mono ilaan onoma laligona saanon afaangon gawon men kanagia toroqen kembu. Gawon kaana ii Anutuwaa jaanon sokombaatiwaa so mono toroqen men laligowa.

⁷ Yononon Kraistwaa bunaga koloojutiwaajon ama iyangiaanon goman mesaon liligon qabunaya jen seinkeju. Gawon kaen men uumeleembaa gadokopa ejemba yonoononga nembanene iwoi mon mende analin menkeju.

⁸ Kawaajon Jiisaswaa alauruta nononanodeen alaurunana kaana ii koma horon nanjon ononin sokombaa. Anana gawon bakaya ii men iikanon qaa honaa Toya motoon welen qen munin qaaya honanon seinkebaa. Kian.

Diotrefes kaanja koloowabotiwaaw galenj meme qaa

⁹ Niinonj momalaari tuunj onjoonj tere monj ooweto, Diotrefes jotameme eja iinonj batugianonj galenj wanj laligomambaa siinja moji, iinonj qaanaa geja mende ama telambelanj amakeja.

¹⁰ Kawaajonj niinonj onjoononj kawenagati eenj, mono iwaa nanamemenja bologa ii asuganonj jewe kokaenj mobuya: iinonj nonooonj andoqege qaa jenj qolonjonj kisama jenkeja ano qaagadeen mende jenkeja. Qaagoto, uumeleenj alaurunana gomanjlili gawonj menkejuti, iinonj ii mende koma horonj onjomakeja ano alaurunana tosianonj koma horonj onjombombaajonj mojuti, iinonj ii angonj koma onjoma momalaari tuungianonga utama onjono seleengenj kamaankeju.

¹¹ Oo wombo alana, gii nanamemenj bologa qaagoto, nanamemenj awaa ii mono otaanj laligowa. Daenjonononj nanamemenj awaa amamenj laligojuti, iyonononj Anutuwaaw meraboraanja kolooju. Daenjonononj nanamemenj bologa amamenj laligojuti, iyonononj Anutuwaaw kania mende moma kotonj sopa seleengenjanonj laligoju.

¹² Demitrius eja iikawaa kania ii awaa. Alaurunana kuuyanonj kaenjenkeju. Qaa honjaa Toya anoj qaa ii kaanjiadeen nanjonjenkeja ano nonononj torogonj iwaajonj qaa ororonjenkejon. Nonononj qaa jenkejonj, ii qaa honja toonj kolooji, ii mojanj. Kianj.

Yeizozo qaa tetegoya

¹³ Niinonj goojonj qaa seiseiya oomambaajon siinja moiento, ii kirifi ano inknonj oonj gomambaa so mende moma mesaojen. ¹⁴ Niinonj uulanawo goononj kanj giimambaajonj mamboma jejeromonjromonj anjen. Aitonngowonjati, kamban iikanonj saanonj jaasewanj qenj aonj qaa qaa amin mobonja.

¹⁵ Anutunonj luae qenj gono laligowa!

Momalaari alaurunana koi laligojuti, iyononon yeizozogia angi goononj kaja. Giinonj kaanjiadeen uumeleenj alaurunana giwo nanjuti, ii anja anja noononj yeizozona injijona mobu. Bonjonj!

Uumeleembaa Bunja Tere Soomongo Gbilia
The New Testament and portions of the Old
Testament in the Borong Language of Papua New
Guinea
Sampela hap Buk Baibel long tokples Borong long
Niugini

Copyright © 2002, 2011 The Bible Society of Papua New Guinea

Language: Borong

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-26

PDF generated using Haiola and XeLaTeX on 11 Nov 2022 from source files dated 9 Oct 2020

63589f8b-9426-5ce2-9520-ca0cf2b65c47